



ՄԱՇՏՈՑԻ ԱՐՁԱԳԱՆԳ

Հայց. Առաք. Սուրբ Յակոբ Մայր Եկեղեցույ Կիրակնօրեայ Դպրոցի Պարբերաթերթ

ԺԱ. ՏԱՐԻ ԹԻԻ 4

Դեկտեմբեր 2003

| Կիր. | Բշ. | Գշ. | Դշ. | Եշ. | Ուր. | Շաբ. |
|------|-----|-----|-----|-----|------|------|
| | 1 | 2 | 3 | 4 | 5 | 6 |
| 7 | 8 | 9 | 10 | 11 | 12 | 13 |
| 14 | 15 | 16 | 17 | 18 | 19 | 20 |
| 21 | 22 | 23 | 24 | 25 | 26 | 27 |
| 28 | 29 | 30 | 31 | | | |

Փառք կեանքի շնորհքին

Իւրաքանչիւր տարիքի համար, Ամանորը յատուկ իմաստ կ'ունենայ եւ տարբեր հմայք կը ստանայ: Ամենէն փոքրերը յատկապէս կ'ուրախանան զարդարուն եւ լուսաւոր տօնածառով ու կը խանդավառուին Կաղանդ Պապայիցն այցով ու անոր բերած անհամար նուէրներով: Մենք՝ չափահասներս, Նոր Տարուան երեկոյեան յատկապէս ցնծութիւն կը զգանք մեր ընտանիքի անդամներով շրջապատուած ըլլալով, եւ կ'երջանկանանք մեր զաւակներուն իսկ երջանկութեամբ. իսկ տարեցներ իրենց կարգին կ'երջանկանան իրենց զաւակներով ու թոռներով:

| | |
|------|--|
| 6 | Ս. Նիկողայոս սքանչելագործ հայրապետ |
| 13 | Սուրբ Յակոբ Մծբնայ հայրապետ |
| 20 | Սուրբ Աբգար Նախավկայ թագաւոր |
| 23 | Տօն Դաւիթ մարգարէին եւ Յակոբ առաքեալին |
| 25 | Տօն Սուրբ Ստեփանոս նախասարկաւագին եւ առաջին մարտիրոսին |
| 27 | Տօն սուրբ առաքեալներ Պետրոսի եւ Պօղոսի |
| 30 | Ծննդեան պահքի առաջին օր |
| 31/1 | Նոր տարուան գիշեր- Ամանոր |

Ամանորեան ընտանեկան հաւաքներու ամենէն գեղեցիկ բաժինն է սակայն նոր տարին դիմաւորելու խորհրդաւոր այն պահը ուր մրգեղէններու սեղանին շուրջ հաւաքուած, մոմի լոյսին տակ ընտանեօք կ'արտասանուի «Հայր Մեր»ը, աղօթքով ընդունելու եւ սկսելու համար այդ տարին:

Աղօթելու առիթները անշուշտ մեր կեանքէն ներս անպակաս են. անոնք ժամ ու թիւ չունին ու կրնան կատարուիլ որեւէ տեղ, որեւէ պահու, որեւէ նիւթի շուրջ: Ամանորի առթիւ արտասանուած աղօթքին սակայն, կարելի տալ յատուկ նիւթ, այդ առթիւ երախտապարտ գտնուելով Աստուծոյ որ տուաւ մեզի շնորհքն ու պարգեւը տարի մը եւս ամբողջացնելու. թէեւ ուրիշներ ալ սկսան տարին սակայն չկրցան ամբողջացնել զայն: Փառք ուրեմն կեանքի շնորհքին համար, առողջութեան համար, ընտանիքին եւ սիրոյն համար:

Այս առթիւ «Մաշտոցի Արձագանգ»ի խմբագրական կազմը կը հայցէ Աստուծմէ որ բոլորին տայ Նոր տարին առողջութեամբ եւ ուրախութեամբ ամբողջացնելու շնորհքը:

Ոեւէ մէկուն ոեւէ բանով պարտական մի՛ մնաք. միայն իրար սիրելու պարտաւորութիւնը ունեցէք, քանի որ իր ընկերը սիրողը կատարած կ'ըլլայ Աստուծոյ Օրէնքը:

Ս. Պօղոս Առաքեալ

Հոռմայեցիներուն գրած նամակէն 13.8

Սէր իրարու հանդէպ

Հատուած՝ Պօղոս առաքեալի
հռոմայեցիներուն գրած նամակէն
13.8-14

«Սուրբ Պօղոս առաքեալի տօնի առթիւ»

Ոեւէ մէկուն ոեւէ բանով պարտական մի՛ մնաք. միայն իրար սիրելու պարտաւորութիւնը ունեցէք, քանի որ իր ընկերը սիրողը կատարած կ'ըլլայ Աստուծոյ Օրէնքը: Որովհետեւ Աստուծոյ պատուիրանները, «Մի՛ շնար, մի՛ սպաններ, մի՛ գողնար, սուտ վկայութիւն մի՛ ըներ, մի՛ ցանկար» եւ միւս բոլորը, խտացած են սա միակ պատուիրանին մէջ. «Սիրէ ընկերդ քու անձիդ պէս»: Ով որ իր ընկերը կը սիրէ, չարիք չ'ըներ անոր: Ուրեմն սիրել, կը նշանակէ Աստուծոյ օրէնքը լման գործադրել:

Սիրոյ այս սկզբունքով ընթացէք, գիտնալով թէ ի՛նչ ժամանակի մէջ կ'ապրիք: Ժամանակն է որ քունը թօթափենք եւ արթննանք, որովհետեւ հիմա փրկութիւնը աւելի մօտ է մեզի, քան այն ատեն՝ երբ հաւատացինք: Գիշերը ահա կ'անցնի եւ ցերեկը մօտ է: Ուստի խաւարի գործերէն հեռանանք եւ լոյսի զէնքերը մեր վրայ առնենք, ապրելու համար այնպէս՝ ինչպէս վայել է լոյսի մէջ քալողներուն, փոխանակ անառակութեամբ, արբեցութեամբ, խառնակեցութեամբ ու պղծութեամբ, կամ նախանձով ու հակառակութեամբ ապրելու: Տէր Յիսուս Քրիստոսի նկարագիրը ձեր վրայ առէք, եւ մարմնի ցանկութիւնները կատարելու հետամուտ մի՛ ըլլաք:

Բովանդակութիւն

- Փառք կեանքի շնորհքին
- Սէր իրարու հանդէպ
- Ամանոր
- Ո՞վ է կաղանդ պապան
- Ծանօթանանք Աստուածաշունչին
- Յիսուսի առաջին առաքեալներէն՝ Պետրոս առաքեալ
- Յիսուսի վերջին առաքեալներէն՝ Պօղոս առաքեալ
- Նկարագիր
- Սուրբ Յակոբի մասին
- 7 Դեկտեմբեր 1988
- Խօսքեր Պօղոս առաքեալէն
- Պահուած բառ
- Փոքրիկներու ամանորը
- Նոյեմբեր ամսուան պատասխաններն ու մասնակցողները
- Ո՞րն է ճիշդ պատասխանը
- Կարճ լուրեր կիրակնօրեայէն

Ամանոր

Նոր Տարին կը տօնուի բազմաթիւ ազգերու կողմէ: Այս տօնը հայերը կը կոչեն նաեւ «Ամանոր», բառ մը որ կազմուած է հայերէն *ամ* եւ *նոր* արմատներէն, կամ Նաւասարդ որ կազմուած է հնդկաիրանական *ճավ* եւ *սարդ* բառերէն որոնք կը նշանակեն *նոր* եւ *տարի*: Ան կը կոչուի նաեւ տարեմուտ, կաղանդ:

Հին հայերը Նոր Տարին կը դիմաւորէին ամրան, թէւ կան նաեւ այլ տուեալներ որոնք կ'ըսեն թէ տարեմուտը կը տօնուէր գարնան: Ամրան տօնուելուն պատճառը այն է որ հայկական աւանդութիւնը, Հայկ նահապետի բռնակալ Բելի դէմ յաղթանակը հայոց Ջոր գաւառին մէջ, կը նշէ նախքան Քրիստոս 2492 թուականի Ն աւ ս ա ռ դ

1-ին, որ մեր ամիսներու անունով Օգոստոս 11-ն է: 18-րդ դարու Ամենայն Հայոց Տէր Սիմէօն Երեւանցի կաթողիկոսի տոմարով հայերը Յունուար 1-ը ընդունեցին որպէս տարուայ սկիզբ եւ Ամանորի տօն. մինչ այդ Յունուար 1-ը մեր մօտ մասնակիօրէն կը նշուէր որպէս տարեսկիզբ:



Ո՞վ է Կաղանդ Պապան



Շատ մը ժողովուրդներ ամանորուայ տօնին տօնածառ կը զարդարեն, ինչ որ կը խորհրդանշէ դրախտի Կենաց ծառը. իսկ տօնածառին գլխուն դրուած աստղը կը խորհրդանշէ Բեթլեհէմի աստղը:

Կէս գիշերին նուէրներով եկող Չմեռ կամ Կաղանդ Պապան, ուրիշներու մօտ՝ Տէտ Մորոզ, Սանթա քլաուս, Չմիւռնիա քաղաքի սուրբ Նիկողայոս Աքանչելագործ Հայրապետն է: Նիկողայոսը ծնած է 280 թուականին Փոքր Ասիոյ Լիկիա նահանգին մէջ: Մեծահարուստ, բարեպաշտ եւ բարեգործ ընտանիքի զաւակ էր եւ մանուկ հասակէն Աւետարանի պատգամներուն հետեւելով քրիստոնէական բարեպաշտ կեանք մը կ'ապրէր: Իր ամբողջ կեանքի ընթացքին հետեւած էր Աւետարանի այն պատգամին որ կ'ըսէ « եթէ կ'ուզես կատարեալ ըլլալ, ունեցածներդ վաճառէ եւ աղքատներուն տուր»: 1087թուականին, Իտալիոյ Պարի քաղաքին մէջ Նիկողայոսի անուան փառաւոր տաճար մը կառուցուած է ուր ամփոփուած են իր նշխարները:

Նիկողայոս Աքանչելագործ հայրապետը հրաշագործ էր, բարի, առատաձեռն եւ միշտ պատրաստ կարիքաւորներուն օգնելու եւ իր հարստութենէն մանուկներուն անակնկալ նուէրներ ընելու: Սուրբ Նիկողայոսը մանուկներուն պաշտպան սուրբն է, որոնց հանդէպ յատուկ հոգածութիւն կը ցուցաբերէ: Նոյնիսկ իր մահուրնէ ետք ան իր երկնային արագահաս օգնութեամբ կ'օգնէ իր բարեխօսութիւնը հայցող աղօթքներուն:

Ծանօթանանք Աստուածաշունչին Հին Կտակարան

17 պատմական գիրքեր
Ծննդոց
Ելից
Ղեկապետ
Թուոց
Բ. Օրինաց
Յեսու
Դատաւորաց
Հուրթ
Ա. Թագաւորաց
Բ. Թագաւորաց

Գ. Թագաւորաց
Դ. Թագաւորաց
Ա. Մնացորդաց
Բ. Մնացորդաց
Եզրասայ
Նէեմեայ
Եսթեր

5 բանաստեղծական եւ դաստիարակչական գիրքեր Յոբ

Սաղմոսներ
Առակներ
ժողովող
Երգ երգոց

17 մարգարէներու գիրքեր
Եսայի
Երեմեայ
Ողբ Երեմեայ
Եզեկիէլ
Դանիէլ

Ովսէա
Յովէլ
Ամոս
Աբդիա
Յովնան
Միքա
Նաումայ
Ամբակում
Սոփոնիա
Անգէ
Զաքարիա
Մաղաքիա



Ա. Մնացորդաց Բ. Մնացորդաց

Ի ս ր ա յ է լ ի կ ր օ ն ա կ ա ն ա ն ց ու դ ա թ ճ եր ու պատմութիւնն են այդ գիրքերը որոնց նպատակն է վառ պահել կրօնական եւ ազգային գգացումները: Այս գիրքերուն մէջ գլխաւոր նիւթն է Սողոմոն թագաւորին տաճար շինելը:



Եզրասայ

Հ ա զ ա ր ա ո թ տարիներ առաջ գրուած այս գիրքը կը պարունակէ շատ այժմէական նիւթ մը՝ խ ա ո ն անուանութիւնները: Ան այսպէս կոչուած է իր հեղինակ Եզրասի անունով:



Նէեմեայ

Այս գիրքը ծանօթ է իր պարունակած մէկ պատմութեամբ՝ Երուսաղէմի պարիսպի վերականգնումը:



Եսթեր

Ե ս թ ե թ Պ ա ր ս կ ա ս տ ա ն ի Արտաշէս թագաւորին հետ ամուսնացած հրեայ աղջիկ մըն էր: Ան իր թագուհիի պաշտօնը օգտագործեց վտանգէ ազատելու համար իր ժողովուրդին կեանքը:

Մարկոսի Աւետարանի անուանաթերթը, մանրակար 1232ի Աստուածաշունչէն, Գրիչ եւ ծաղկող՝ Իգնատիոս

Գիտէի՞ր թէ...
Հին կտակարանի գիրքերէն Սաղմոսները, կը կարդացուին եկեղեցական արարողութիւններու ընթացքին: Անոնք հին կտակարանի ամենէն աւելի տարածուած եւ հաւատացեալներու կողմէ որդեգրուած գիրքն են:
Թէեւ տարբեր տարբեր մարդիկ Սաղմոսներ գրած են, սակայն բոլորն ալ միախմբուելով վերագրուած են մէկ հեղինակի՝ Դաւիթ թագաւորին:



5 բանաստեղծական եւ դաստիարակչական գրքեր



Յոբ

Այս գիրքը տառապող եւ վշտահար մարդուն պատմութիւնն է: Ան հիւսուած է այն հարցումին շուրջ թէ արդեօք կարելի՞ է վիշտերն ու տառապանքները մեղմացնել Աստուծոյ նախախնամութեամբ եւ Անոր հանդէպ հաւատքով:



Սաղմոսներ

Ո՞վ ծանօթ չէ Սաղմոս բառին: Ան կը նշանակէ գովեստ կամ փառաբանութիւն: Թիւով 150 հատ են եւ ունին գովաբանական, աղաչանքի կամ խնդրանքի բնոյթ:



Առակներ

Այս գիրքը կը սկսի մեր բոլորին ծանօթ այն նախադասութեամբ որ հայերէն թարգմանուած եւ հայերէն տառերով գրուած առաջին նախադասութիւնը եղած է. «Ճանաչել զհմաստութիւն եւ զխրատ, իմանալ զբանս հանճարոյ,»



Ժողովող

Այս գիրքը ընդհանրապէս կը թուէ թէ ինչ ձեւերով կարելի է երջանկութիւն ձեռք ձգել եւ ինչ ձեւերով կարելի չէ: Ծանօթ նախադասութիւն մըն է այդ գիրքէն ներս «Ունայնութիւն, ունայնութիւն, աշխարհի վրայ ամէն ինչ ունայն է» գրութիւնը: Սակայն այս կարդալով պէտք չէ կարծել որ այս գիրքը յոռետես եւ յուսահատական է:



Երգ երգոց

Կենթադրուի թէ այս գիրքը Սողոմոնի ի՛ր իսկ ամուսնութեան առթիւ գրած բանաստեղծութիւններու հաւաքածոն է: Ամբողջութեամբ հարս ու փեսայի միջեւ խօսակցութիւններ է եւ քնարական բանաստեղծութիւն: Սուրբ գիրքի բանասէրները այս սիրոյ խօսքերը կը մեկնաբանեն որպէս Աստուծոյ եւ իր հաւատացեալ ժողովուրդին միջեւ գոյացող խօսակցութիւն կամ Քրիստոսի եկեղեցոյ հանդէպ սիրոյն արտայայտութեան միջոց:

Գիտէի՞ր թէ...
Ըստ հրէական ավանդութեան Երգ Երգոցը, Առակները եւ Ժողովողը գրած է Սողոմոն թագաւորը: Առաջինը՝ երիտասարդ տարիքին, երկրորդը՝ հասուն , իսկ երրորդը՝ ծերութեան շրջանին:



Աւետարանի կազմ, 15րդ դար

Յիսուսի առաջին առաքելներէն՝ Ս. Պետրոս Առաքեալ

Դեկտեմբեր ամսուան վերջին շաբաթը, Հայաստանեայց Առաքելական Մայր Եկեղեցին ունի աւագ տօն մը որուն ընթացքին կը յիշատակուին Յիսուսի աշակերտներէն երկուքը՝ Ս. Պետրոս եւ Ս. Պօղոս առաքելները:

Տեղեկութիւններ Պետրոս առաքելի մասին

Պետրոս Յիսուսի առաջին աշակերտներէն մէկն էր. բուն անունով Սիմոն կոչուած ձկնորս մը: Առաջին իսկ հանդիպումին, Յիսուս անոր տուաւ Պետրոս անունը որ կը նշանակէ վեմ, ժայռ եւ աւելցուց թէ իր եկեղեցին պիտի հիմնէ անոր վրայ: Պետրոսի եւ անոր եղբօր՝ Անդրէասի ակնարկելով Յիսուս ըսած է «Հետեւեցէք Ինձի եւ ես ձեզ մարդու որսորդ պիտի ընեմ», ըսել ուզելով թէ անոնց պիտի յանձնէ ճշմարիտ Աստուածը մարդոց ծանօթացնելու պաշտօնը:

Պետրոսի աշակերտական կեանքը լեցուն է յատուկ դէպքերով: Անոնցմէ օրինակ մըն է այն օրը երբ Յիսուս Պետրոսի հետ մալ կը նստի ու կ'երթայ ծովուն բացը: Հոն, Ան դուրս կ'ելլէ մալէն ու կը սկսի ջուրին վրայ քալել: Ապա կը թելադրէ Պետրոսի որ ինքն ալ նոյնը ընէ: Պետրոս դուրս կու գայ մալէն ու կը սկսի յառաջանալ դէպի Յիսուս: Սակայն շուտով կը սկսի ընկղմիլ որովհետեւ իր հաւատքը կը տկարանայ ու կասկած կ'արթննայ իր մէջը ջուրին վրայ քալելու իր կարողութեան շուրջ:



Ս. Պետրոս Առաքեալ

«Կ'ըսեմ քեզի որ այս գիշեր քաղաքը երկու անգամ չկանչած՝ դուն երեք անգամ պիտի ուրանաս զիս»...

Կայ յատուկ դէպք մը որմով ծանօթ է Պետրոս առաքեալ եւ որն է անոր երեք անգամ Յիսուս ուրանալը: Երեք տարբեր առիթներով, երբ կը հարցուի Պետրոսի թէ արդեօ՞ք կը ճանչնայ Յիսուսը, ան կը պատասխանէ թէ բնաւ չէր տեսած այդ անձը եւ թէ չէր ճանչնար Զինք: Ասով հանդերձ, խաչելութեան յաջորդ օրն ի՛սկ, Յիսուս, Պետրոսին է որ կ'երեւի, անոր պատուիրելով որ Երեւման լուրը փոխանծէ միւս 11 աշակերտներուն:

«Սիմո՛ն, Յովնանի՛ որդի, կը սիրե՞ս զիս ասոնցմէ աւելի:... Արածէ՛ իմ գառնուկներս»

(մանրամասնութիւնները Յովհ. 21.15-19)

Յիսուս, մեռելներէն յարութեն առնելէ ետք երեւցաւ Սիմոն Պետրոսի եւ ինչպէս Պետրոս Զինք 3 անգամ ուրացած էր, 3 անգամ վերի հարցումը հարցուց անոր: Երբ 3 անգամներուն ալ դրական պատասխան ստացաւ, Յիսուս ըսաւ Պետրոսի - Հետեւէ՛ ինձի: այսպիսով Պետրոս վերականգնուեցաւ իր պաշտօնին մէջ:

Արդեօք մենք երբեք ուրացա՞նք Յիսուսը: Վերականգնուեցա՞նք մեր պաշտօնին մէջ:

Յիսուսի վերջին առաքելներէն՝ Ս. Պօղոս Առաքեալ

Տեղեկութիւններ Պօղոս առաքելի մասին

Շնորհիւ իր քարոզչական լայն գործունէութեան, Պօղոս առաքեալ Յիսուսէ ետք կը նկատուի քրիստոնէութեան ամենէն մեծ դէմքը:

Պօղոս Յիսուսի 12 առաքելներէն մէկը չէր այլ ընդհակառակը թունդ հակաքրիստոնէայ մըն էր Յիսուսի համբարձումէն ետք: Սակայն, Պօղոս առաքելի կեանքէն իւրայատուկ է անոր դարձը դէպի քրիստոնէութիւնը, որ կը պատմուի «Սօղոսի դարձը» հատուածին մէջ - Առաքելներուն գործերը 9.1-19: Բուն անունով Սօղոս, առաքելը հրեայ բարեկեցիկ ընտանիքի մը զաւակն էր որ ղեկավարութեանց կողմէ դրկուած էր քրիստոնէաներ ձերբակալելու: Դէպի Դամասկոս ճամբուն վրայ է որ կը պատահի հրաշալի դէպքը շնորհիւ որուն Սողոս կ'ընդունի քրիստոնէութիւնը իբրեւ ճշմարիտ կրօն, կը մկրտուի ու կը վերակոչուի Պօղոս: Ահա թէ ինչպէս.-

«Գացած ատեն, մինչ Դամասկոսի կը մօտենար, յանկարծ երկինքէն լոյս մը փայլատակեց իր շուրջ: Սօղոս գետին ինկաւ եւ լսեց ձայն մը, որ իրեն կ'ըսէր.

-Սօղո՛ս, Սօղո՛ս, ինչո՛ւ կը հալածես զիս:
- Ո՞վ ես Տէր,- հարցուց ինք:
Չայնը պատասխանեց.

- Ես Յիսուսն եմ, որ դուն կը հալածես: Հիմա ոտքի՛ ել եւ քաղաք մտի՛ր. հոն քեզի պիտի ըսուի ինչ որ պիտի ընես:»

Դամասկոս հասնելուն, Սօղոս կապի մէջ կը դրուի Անանիա կոչուած քրիստոնէայի մը հետ. ան, մինչ այդ կուրցած Սօղոսին գալով ձեռքերը կը դնէ անոր գլխուն վրայ ու կ'ըսէ.

«- Սօղո՛ս եղբայր, զիս Տէրը դրկեց՝ որպէսզի տեսնես եւ Սուրբ Հոգիով լեցուիս:

Անմիջապէս Սօղոսի աչքերէն կարծես կեղեւանքներ ինկան եւ սկսաւ տեսնել: Ելաւ մկրտուեցաւ եւ ապա կերակուր ուտելով՝ զօրացաւ:»

Այս դէպքէն վերջ, Դամասկոսի ժողովարանները այցելելով, Սօղոս Յիսուս կը քարոզէր ըսելով թէ Աստուծոյ որդին է Ան: Իսկ զինք խողները զարմանքով կ'ըսէին.
«Ասիկա ան մարդը չէ՞ր որ Երուսաղէմի մէջ կատաղօրէն կը հալածէր զանոնք՝ որոնք Յիսուսը կը պաշտէին: Եւ նոյն նպատակով չէ՞ր որ եկաւ հոս, որպէսզի զանոնք ձերբակալելով աւագ քահանաներուն տանի:»

Գիտէի՞ր թէ...

Պօղոս առաքեալ իր հիմնադրած եւ կազմակերպած եկեղեցիներուն ուղղած է բազմաթիւ նամակներ, որոնք սքանչելի բացատրութիւններ եւ ուղեցոյց կը նկատուին քրիստոնէայ հաւատացեալին համար:

Այս նամակները, թիւով 14, կը կազմեն ամբողջ Նոր Կտակարանին մէկ երրորդ բովանդակութեանն ալ աւելին:



Ս. Պօղոս Առաքեալ

Ը

«Քրիստոնեությունը հոգետիրումն է աշխարհին և նիւթեղէնին վրայ»

Կ

Այս խօսքը մեկնակետ և սկզբունք առնելով է որ այս յօդուածներու շարքով կը կեդրոնանանք մեր նկարագրի բարեպաշտ և օրինակելի գծերուն վրայ, այլ խօսքով՝ մեր առաքինութիւններուն վրայ, որոնց միջոցաւ միայն կրնանք նիւթական աշխարհէն բարձրանալով հասնիլ հոգետիրին:

«Քրիստոնեությունը հոգետիրումն է աշխարհին և նիւթեղէնին վրայ», և քրիստոնեային առաքինութիւններէն մէկն է ...

ա

Իմաստութիւնը

ր

Իմաստութիւն կը նշանակէ ծայրագոյն գիտութիւն և ճանաչում, խելահասութիւն, փորձառութիւն:

Իմաստութիւն բառը հայերէն լեզուի թարգմանուած երկրորդ բառն է. «Մանաչել զիմաստութիւն և զխրատ...»

ա

Իմաստութիւնը քրիստոնէական ըմբռնումով գործադրել և ապրիլ է: Որովհետեւ եթէ մարդուս գիտութիւնը միայն ուղեղը հարստացնէ ու մտային ճոխութեան վերածուի ոչ մէկ ազդեցութիւն կ'ունենայ անոր կեանքին և սրտին վրայ: Ընդհակառակը մարդ կրնայ իր գիտութեամբ պարծենալ ու բոլորովին հեռանալ առաքինի բնաւորութենէն: Այսպէս օրինակ իմաստուն մարդը ճշմարտութիւնը ըմբռնելով զայն իր գործին մէջէն պետք է յայտնէ: Իմաստուն կ'ըլլայ այն անձը որ հեռու կը մնայ խօսքով իր գիտութիւնը ցուցադրելու փորձութենէն և փոխարէնը գործով իր գիտութիւնը կը յայտնէ ու կը ձգէ որ կատարած գործին արդիւնքը խօսի ինքնին:

հ

Իմաստութիւնը գիտութիւն ամբարել չէ, ուղեղային հասկացողութիւն չէ, իմացական ճիգով գիտութեան հարստութիւն չէ, այլ՝ ապրումներու, զգացումներու, համոզումներու, կամեցողութեան հարստութիւն, ու այդ հարստութեան օգտագործումը մեր կեցուածքներուն և վերաբերումներուն մէջ:

ր

Ինչպէս Ամենայն Հայոց Գարեգին Ա. Վեհափառը կը գրէ.- «Իմաստութիւնը գիտութիւն չէ սոսկ, այլ՝ գիտութեան, մանաւանդ ի ն ք ն ա գ ի տ ու թ ե ա ն թարգմանութիւնը կեանքին մէջ, մարդուն երջանկութեան ի խնդիր»:

ԻՄԱՍՏՈՒԹԻՒՆ

Իմաստուն ըլլալ կը նշանակէ...

... Ծշմարտութիւնն ու արդարութիւնը ճանչնալու կարողութիւն ունենալ:

Անձ մը որ իմաստուն է.- ➤

- խոհեմ է
- հմուտ է
- խելահաս է
- հեռատես է

Անձ մը որ իմաստուն չէ.- ➤

- բթամիտ է
- մակերեսային կրնայ ըլլալ
- կեանքի փորձառութիւններէն չօգտուիր
- խոկալ ու մտածել չսիրէր

ժայռի վրայ շինել տունը

- Ուրեմն, ով որ իմ այս խօսքերս կը լսէ եւ կը գործադրէ զանոնք, պիտի նմանի այն իմաստուն մարդուն, որ իր տունը ժայռի վրայ կը շինէ: Անձրեւները կու գան, գետերը կը յորդին, հովերը կը փչեն եւ կը զարնուին տան, բայց տունը չի կործանիր, որովհետեւ ժայռի վրայ հաստատուած է: Իսկ ով որ իմ այս խօսքերս կը լսէ բայց չի գործադրեր զանոնք, պիտի նմանի այն յիմար մարդուն, որ իր տունը աւազի վրայ կը շինէ: Անձրեւները կու գան, գետերը կը յորդին, հովերը կը փչեն եւ կը զարնուին տան, եւ տունը կը կործանի: Եւ ի՛նչ ահաւոր կ'ըլլայ այդ տան կործանումը:



Մատթէոս 7.24-27

Աստուածաշունչը կ'ըսէ...

Երկնային իմաստութիւն ունեցող անձը նախ որ մաքուր կ'ըլլայ, ապա նաեւ խաղարարար, ազնիւ, բարեացակամ, ողորմած եւ բարի գործերով արդիւնաւոր, անկողմնակալ եւ անկեղծ:

Յակոբոս 3.13-18

Սուրբ Յակոբ Ծաբաթ 13 Դեկտեմբեր 2003

Մեզմէ ո՞վ ծանօթ չէ Սուրբ Յակոբի անունին: «Մծբնացի» հայրապետին անունը ամէն տարի կը յիշատակուի Սուրբ Ծնունդը նախորդող 50 օրերու մէջ զուգադիպող չորրորդ շաբաթ օրը, Մարուգէ Ծգնաւորի եւ Մելիտոս եպիսկոպոսի հետ:

Սուրբ Յակոբը հայ ժողովուրդին եւ եկեղեցիին կողմէ կը վայելէ բացառիկ սէր եւ յարգանք: Սուրբին կեանքը ամբողջութեամբ ընթացած է Քրիստոսի օրինակով եւ անոր պատգամներուն համաձայն: Այդ իսկ պատճառաւ է որ կարելի է ըսել թէ անոր կեանքը դաստիարակիչ օրինակ մըն է բոլոր անոնց որոնք կը ձգտին արժանանալ խոստացուած փրկութեան:

Սուրբ Յակոբի ճգնաւոր կեանքը

Թէպէտ հայրապետը կարելիութիւնը ունէր արքունիքի կեանք մը ապրելու, երիտասարդ տարիքին կը նախընտրէ ճգնաւորական կեանքը: Ան կ'ապրի սրբակեաց կեանք մը Մծբնի մօտ լեռներու եւ անտառներու մէջ, աղօթքով եւ ճգնաւորական խիստ սովորութիւններով: Ան իր ամբողջ ժամանակը կ'անցնէ ծոմապահութեամբ, աղօթքով, մարմնի ճգնութեամբ: Ապրելով անմարդաբնակ տեղեր, ամրան իր օրերը կ'անցնէ անօթեւան, այսինքն բաց երկնքի տակ իսկ ձմեռները կ'ապաստանի քարայրները: Սուրբ Հոգիին ներգործութեամբ կու գայ վանք մը, Մծբնի մօտ ուր կ'ապրէր Մարուգէ ճգնաւոր վանահայրը, որ Աստուծմէ ստացած էր մարգարէական շնորհք:



Իրողութիւններ Սուրբ Յակոբի կեանքէն

Ան մասնակցած է 325 թուականին, Նիկիոյ Ժողովին, ուր խմբագրուած է քրիստոնէական Հաւատոյ Հանգանակը:

Պատմութեան մէջ, Ս. Յակոբ հայրապետը առաջին Արարատ լեռ բարձրանալու յանդգնութիւնը ունեցող անձը եղած է.

Ան եղած է հրաշագործ մը. ատենին երբ բժշկական միջոցներ չկային հիւանդութիւնները դարմանելու համար, ժողովուրդը կը պայքարէր մահացու հիւանդութիւններու, ժանտախտի կամ այլ փոխանցիկ հիւանդութիւններու դէմ իրենց հաւատքով, եւ այդ առթիւ իրենց աղօթքներով կը դիմէին Ս. Յակոբ Մծբնացի հայրապետին միջնորդութեան:

Սուրբ Յակոբի անուամբ եկեղեցիներ

Մասիսի ստորոտին գտնուած է իր անունով վանք մը որ 1840 թուին, մեծ երկրաշարժի մը պատճառաւ կործանած է: Բազմաթիւ երկիրներու մէջ կառուցուած են Ս. Յակոբ անունով եկեղեցիներ, ինչպէս Մոնթրէալի մեր Սուրբ Յակոբ եկեղեցին: Սուրբ Յակոբի տօնին այդ եկեղեցիներուն մէջ յատուկ արարողութիւններ կը կատարուին, մատաղօրհնէք եւ հանդիսութիւններ կը կազմակերպուին պատշաճ կերպով նշելու համար տօնը: Նոյն օրը, ըստ գոյութիւն ունեցող աւանդութեան, տուներէն ներս եւս ուրախալի ընդունելութիւններ տեղի կ'ունենան, եւ բարեկամներ ու ազգականներ կ'այցելեն իրենց Յակոբ անունով սիրելիին կամ հարազատին:

Թող չխոսովին ձեր սիրտերը: Հաւատացէք Աստուծոյ, հաւատացէք նաեւ ինձի:

Սուրբ Յակոբի հրաշագործություններէն

Օր մը Ս. Յակոբ կ'իջնէ լեռնէն եւ կը հասնի Սաթթիմա գետը, եւ հոն գտնուող ասորիներուն կը հարցնէ թէ գետին ո՞ր մասը ամենէն աւելի ծանծաղ է. ասորիները կը խնդան ու կը ծաղրեն զինք եւ կ'ըսեն՝ «Եթէ Աստուծոյ մարդ ես, ջուրերուն վրայէն քալէ»: Ս. Յակոբ կը հանէ իր վերարկուն, կը նետէ ջուրին վրայ եւ քալելով կ'անցնի գետը: Այս իր առաջին հրաշքն էր:

Ուրիշ անգամ մը, երբ Արարատ լեռնէն կը վերադառնար, Արտամէտ գիւղին մօտ տեսաւ կիներ որոնք կը լողային եւ իրեն տեսնելով ինքզինքնին չի պահեցին եւ շարունակեցին լողալ: Այն ատեն սուրբը կ'անհիծէ աղբիւրը, ջուրը կը ցամքի իսկ աղջիկներուն մազերը կը ճերմկին: Ժողովուրդը կը խնդրէ Հայրապետէն որ խնայէ իրենց, նզովքը ետ քաշէ. այդպէս ալ կ'ընէ եւ խաչակնքելով աղբիւրը վերստին կը ցայտէ:

Յաղթող եւ սուրբ Հայրապետ

Կը պատմուի որ պարսիկներու Շապուհ թագաւորը 70 օր Մծբինը պաշարելէ ետք չի յաջողիր ներս արշաւել եւ գրաւել, շնորհիւ Ս. Յակոբի ձեռք առած իմաստուն միջոցառումներուն: Հաւանաբար այս դէպքէն մեկնած է որ, հետագային Ներսէս Շնորհալին յատուկ շատ գեղեցիկ շարական մը ձօնած է Ս. Յակոբին «Յաղթող եւ սուրբ Հայրապետ» սկզբնատողով:



Սուրբ Յակոբ Մծբնայ Հայրապետի մասունքներէն կը գտնուին Անթիլիասի Կիլիկիոյ կաթողիկոսարանին մէջ. մասունքը ամփոփուած է արծէքաւոր խաչի մը մէջ 1798-ին:

7 Դեկտեմբեր 1988

7 Դեկտեմբեր 1988. Ժամը 11:41. Շուրջ 100,000 հայորդիներ կը մահանան մի քանի երկվայրկեանի մէջ, բանտարկեալ մնալով իրենց տուններու, գործատեղերու, դպրոցներու, հիւանդանոցներու շէնքերու քարերուն տակ, շինություններ որոնք անկարող կ'ըլլան դիմանալ 6.9 ուժգնութեամբ երկրաշարժին: Առաջին անգամ ըլլալով, արտօնութիւն կը տրուի օտար ոյժերու մուտք գործել ժամանակուայ խորհրդային միութենէն ներս, շտապ օգնութիւն հասցնելու ու կեանքեր փրկելու համար: Միայն 80 հոգիներ կը վերապրին 15,524 ազատած անձերէն:

Լեւինականը «այժմ Գիւմրի», Հայաստանի երկրորդ մեծ քաղաքը աւերակ կը դառնայ: Սպիտակը ամբողջութեամբ կ'անհետանայ: Մեծ վնաս կը կրեն Կիրովականը եւ Ստեփանաւանը: 514,000 հայեր անտուն կը մնան: Հայաստանը 8 Միլիոն քառակուսի մէթր տարածութեամբ բնակավայր կը կորսնցնէ, շրջանի դպրոցներուն կէտը, 110 հիւանդանոցներ, 119 թանգարաններ կամ պատմական յուշարձաններ կ'աւերուին: Լեւինականի 20 մայր գործատեղիներէն 17-ը քարուքանդ կը մնան: Թրջանի ելեկտրական կայանները ինչպէս նաեւ Մեծամօրի կեդրոնը հսկայական փլուզումի կը մատնուին:

Գործը իշու կը նմանի. վրան հեծիր՝ կը քալէ, վար իջիր կանգ կ'առնէ

Խօսքեր Պօղոս առաքեալէն

Ուեւ մէկու չարիքին չարիքով մի՛
հատուցանէք:

Որքան կրնաք՝ ամենուն հետ
խաղաղ ապրեցէք:

Ատեցէ՛ք այն ինչ որ չար է եւ բարիին
կառչած մնացէք:

Մեծամիտ մի՛ ըլլաք.
ընդհակառակը, միշտ համեստ
եղէք եւ միայն Աստուծմէ ձեզի
տրուած հաւատքին չափով
գնահատեցէք դուք ձեզ:

Յարգելու մէջ իրար գերազանցեցէք:

Մի՛ պարտուիր չարէն,
այլ՝ բարիով յաղթէ չարին:

Յոյսով ուրախացէք, Գեղութեանց
մէջ համբերող եղէք,
յարատեւ աղօթեցէք:

Պահուած բառ

| | | | | | | | | | | | |
|---|---|---|---|---|---|---|---|---|---|---|---|
| պ | ա | տ | ո | լ | հ | ա | ն | ձ | ո | լ | կ |
| ա | ն | ի | ծ | ե | ա | լ | ո | յ | ս | պ | ա |
| դ | ա | ր | ա | կ | ն | ա | ր | կ | կ | շ | ր |
| ա | ր | ա | ր | ա | դ | կ | ա | ե | ա | տ | ն |
| մ | ա | կ | մ | դ | ե | դ | ձ | ն | փ | ե | ա |
| ա | ր | ա | մ | ն | ր | ծ | ե | դ | ա | մ | տ |
| ն | ր | ն | ա | ո | ձ | ե | լ | ա | ր | ա | ե |
| դ | ժ | ր | ո | կ | ա | ր | դ | ն | ի | ր | լ |
| ա | ա | ե | ա | ա | ր | ա | ր | ի | չ | ա | ր |
| ր | մ | ր | ն | պ | ա | ն | ա | ն | տ | ն | է |
| ձ | մ | ե | ր | ա | ն | ո | ց | ջ | ո | լ | ր |
| գ | ա | ն | ա | տ | ա | ց | ի | ր | ա | լ | գ |

արամ
անիծեալ
ակնարկ
արար
արարիչ
ադամանդ

կենարար
կոնդակ
կափարիչ
կենդանի
կարճատեւ

գանատացի

հանդերձարան

դար
դարակ
դեղձ
դրացի
դրամ

ձմեռ
ձուկ
ձմերանոց

ժամ

մառան

իրաւ

նորածեւ

լոյս

շտեմարան

ծերանոց

շար

ջուր

պանան
պատուհան

Պահուած բառը 6 գիր: Այն ինչ որ է Գեթսեմանի

**Փոքրիկներու
ամանորը**

Մեղրով օծուց
Ու զարդարուց
Կարկանդակ մը կար
սեղանին
Ամանորի: Եւ մանուկներ
Ա՛լ անհամբեր
Պաշարեցին բերքը շրթեղ,
Եւ ուզեցին
Մատով, ձեռքով,
Մէկը միւսը դէն հրրելով՝
Յափըշտակել պատառ
մ'համեղ:
- Այդպէս չ'ըլար,-
Միջամտեց տիկինն
արդար:
Եւ դանակով մը սուր ու
փայլուն
Կտրեց շերտ-շերտ, ու
հաւասար
Տուաւ բաժինն ամէն
մէկուն:

Սուր մը հատու
Եւ ձեռք մ'արդար
Որ չմընայ ոչ-որ թշուառ:

Նոյեմբեր ամսուան պատասխանողներ եւ մասնակցողներ

Մանկապարտեզի անկիւն

հինգ, յիսունական, կատարեցին, հացը, ձուկը, աչքերը, կշտացան, տասներկու

Նախակրթարան Ա. Բ. Գ. անկիւն

1. ա. թագաւոր մը նշանակել
2. բ. իր կորսուած էշերը
3. ա. թագաւոր պիտի ըլլաս
4. դ. ինքնագլուխ
5. գ. զոհը ինք մատուցանեց
6. Աստուած, տուած, բարի, այսօր, բարիք, խաղաղ
7. բ.բարին եւ չարը գիտնալու ծառէն
8. գ. Յովսէփ
9. ա.Գողիաթ
10. ա. 27

Նախակրթարան Դ. Ե. Զ. անկիւն

1. գ. Յեսու
2. ա. Մովսէս
3. գ. Երիթով
4. գ. Երիթով
5. Երբ իսրայէլացիները անոր շուրջ դարձան 1+1+1+1+1+1+7 անգամ
6. բ. 39
7. ա. 1875
8. բ. Հոկտեմբերին
9. գ. 20 արծաթ
10. դ. 24

Երկրորդականի անկիւն

1. Ս. Թաղէոս եւ Ս. Բարթողոմէոս
2. Ս. Թաղէոս եւ Ս. Բարթողոմէոս
3. ա. 60 Բ.Ե.
4. գ. 301 Բ.Ե.
5. գ. Ս. Գրիգոր Լուսաւորիչ
6. Ս. Էջմիածին
7. Հոն ուր Միածինը «Յիսուս» իջաւ
8. Ս. Մեսրոպ Մաշտոց 404--406
9. Ս. Սահակ Պարթեւ
10. Առակաց: Ծանաչել գիմաստութիւնն ու Խրատն, Իմանալ զբանս հանճարոյ:

Ընդհանուրի անկիւն

- 1- գ, Տիեզերական բ. ժողովը տեղի ունեցաւ Կոստանդնուպոլիս

- 2- դ- բոլորն ալ կ'ըստին
- 3- բ- յախուոն անձը յանդուզն է
- 4- գ- Ծերուն արական անուն է
- 5- գ- անտարան բառը բոժոժի հետ կապ չունի
- 6- ա- Աղքատ Ղազարոս
- 7- բ- Հայր ձեռքերուդ մէջ կ'աւանդեմ հոգիս
- 8- դ- Տէրն է իմ հովիւս
- 9- ա- քենեկալն է
- 10- գ- Եպիսկոպոս

Նոյեմբեր ամսուան մասնակցողներ

Մանկապարտեզ

Թամար Տեմիրճեան, Ճեսիքա Մատթէոսեան

Անսխալ պատասխանողներ

Սեւակ Պապիկեան, Խշիշեան Արշակ, Արագ Գաբթանճեան, Արին Անթեպեան, Ռիթա Խշիշեան, Դանիէլ Ակրեան:

Նախակրթարան Ա.Բ. Գ. անկիւն

Դալար Գաբթանճեան, Յարութ Բուլլուքեան, Սերենա Բուլլուքեան, Մհեր Մատթէոսեան, Մարիա Դանիէլեան, Զոհրապ Կարապետեան, Ծողիկ Թուխեան, Հրայր Մատթէոսեան

Անսխալ պատասխանող

Առէն Պապիկեան

Նախակրթարան Դ.Ե.Զ. անկիւն

Գօգօ Մատթէոսեան, Անի Մելքեան, Հրակ Նարեկեան, Լորա Սարիմանուկեան, Արի Միրզայեան, Արի Քէօսէյեան:

Անսխալ պատասխանողներ

Սեւակ Էլմանճեան, Ժան-Յակոբ Չոխանճեան, Թամար Չաքմաքճեան, Թամար Պուիքեան եւ Քրիստինա Կարապետեան

Երկրորդականի անկիւն

Թամար Գիզիրեան, Փօլ Գիզիրեան, Կարօ Կարապետեան, Լոռի Քէօսէյեան:

Ո՛րն է ճիշդ պատասխանը
Մանկապարտեզի անկիւն



Ամբողջացո՛ր ըստ Մատթեոսի Աւետարանին 2.1-6
**Քրիստոսը, արեւելքէն, Երուսաղէմ, Հերովդէս, աւագ,
ուսուցիչները, Բեթլեհէմ, աստղը, երկրպագելու,
վրդովեցաւ,**

Եւ ահա ----- մոգեր եկան ----- եւ
հարցուցին.

- Ո՛րն է Հրեաներու նորածին թագաւորը. մենք տեսանք անոր
----- արեւելքի մէջ եւ եկանք ----- իրեն:

Երբ ----- թագաւոր լսեց ասիկա -----, եւ
իրեն հետ՝ Երուսաղէմի բոլոր բնակիչները: Կանչեց ժողովուրդի
----- քահանաներն ու Օրէնքի ----- եւ հարցուց
անոնց, թէ ո՛րն պիտի ծնէր -----:

Անոնք պատասխանեցին.

- Հրէաստանի ----- քաղաքին մէջ, որովհետեւ
Միքիա մարգարէն այսպէս գրած է.

Ո՞րն է ճիշդ պատասխանը Նախակրթարան Ա. Բ. եւ Գ. դասարաններու անկիւն

1-Ի՞նչ նշանակէ «Մովսէս» անունը:

- ա.- Հաւատացեալ մարդ
- բ.- Բարի մարդ
- գ.- Զուրէն ելած մարդ
- դ.- Սուրբ մարդ

- գ.- Դրամ
- դ.- Իմաստութիւն

8-Երկու կիները ինչո՞ւ համար Սողոմոնին քով եկան:

2-Ո՞ր ծնաւ Յիսուս Մանուկը:

- 1-Երուսաղէմ
- 2-Եգիպտոս
- 3-Բեթլեհէմ
- 4-Գալիլիա

- ա.- Կիներէն մէկը միւս կնոջ զաւակը գողցաւ
- բ.- Կիներէն մէկը իր լուծան կորսնցուց
- գ.- Երկու կիները կ'ուզէին Սողոմոնին քով աշխատիլ
- դ.- Երկու կիները կ'ուզէին տեսնել թէ ո՞վ է Սողոմոնը

3-Ամբողջացուր հետեւեալ սաղմոսը:

Տիրո՛ջ աղաղակեցէք, -----աշխարհի
-----ծառայեցէք Տիրոջ,
ցնծութեան ----- եկէք անոր
ներկայութեան:

9-Սողոմոն երկու կիները մտիկ ընելէ ետք, ի՞նչ ըսաւ կամ ըրաւ:

- ա.- Առաջարկեց ողջ տղան երկու կտոր ընելով բաժնել կիներուն
- բ.- Դուրս վճռեց երկու կիները
- գ.- Ըսաւ թէ ժամանակ չունէր հարցը լուծելու
- դ.- Տղան քովը պահեց եւ ոչ մէկուն տուաւ

4-Ո՞ր թագաւորը նախատեց Մովսէսը:

- ա.- Սողոմոն
- բ.- Փարաւոն
- գ.- Հերովդէս
- դ.- Սաւուղ

10-Մանկան հարազատ մայրը Սողոմոնին ի՞նչ առաջարկեց:

- ա.- Սողոմոնին քովը պահել
- բ.- Տէր իմ, ողորմէ ինձի. զաւակս միւս կնոջ տուէք, բայց մի մեռցնէք
- գ.- Ուրիշին տալ
- դ.- Պատրաստել որպէսզի վարդապետ ըլլայ

5- Պօղոս առաքեալ քանի՞ նամակներ գրեց :

- ա- 14
- բ- 9
- գ- 7
- դ- 11

6-Ո՞վ յաջորդեց Դաւիթ թագաւորին:

- ա.- Դաւիթ Բ
- բ.- Սամուէլ
- գ.- Սողոմոն
- դ.- Դանիէլ

7-Սողոմոն ի՞նչ խնդրեց Աստուծմէ:

- ա.- Տուն մը
- բ.- Խաղալիք մը

Ո՞րն է ճիշդ պատասխանը Նախակրթարան Դ. Ե. և Զ. դասարաններու անկիւն

1 - Աբրահամ որո՞ւ հետ հեռացաւ իր ընտանիքէն:

- ա.- իր կնոջ Սառային եւ Ղովտի հետ:
- բ.- կնոջ Սառային եւ զաւակներուն հետ:
- գ.- իր հօրեղբօրը հետ:
- դ.- հօրեղբօրը տղուն հետ:

2- Դեկտեմբեր ամսուան մէջ որոնց տօնը կը յիշենք:

- ա.- Յովհաննու Կարապետի օրը:
- բ.- Սուրբ Գրիգոր լուսաւորիչի եւ Տրդատ Գ. Թագաւորին:
- գ.- Յիսուսի աշակերտներուն տօնը:
- դ.- Թաթէնս եւ Բարթողիմիոսի տօնը

3- Աբրահամ քանի՞ տարեկան էր երբ իր միակ զաւակը ունեցաւ:

- ա.- 99
- բ.- 86
- գ.- 100
- դ.- 76

4- Հաւատով Խոստովանիմի մէջ երբ կըսենք Որդին Աստուծոյ զո՞վ ըսել կ'ուզենք:

- ա.- Սուրբ Հոգին
- բ.- Մովսէս
- գ.- Յիսուս
- դ.- Պետրոս առաքեալ

5- Հաւատով Խոստովանիմ աղօթքին երկրորդ համարին մէջ Ներսէս Շնորհալին ինչ կ'աղէրսէ Աստուծմէ:

- ա.- հարստութիւն
- բ.- տուն
- գ.- մեղքերու քաւում
- դ.- իր սենեակին լուսաւորում:

6- Նոյան տապանի պատմութիւնը Աստուած աշունչին որ մէկ գիրքին մէջ գրուած է:

- ա.- Աւետարան ըստ Յովհաննու
- բ.- Ծննդոց
- գ.- Սաղմոսաց
- դ.- Յայտնութիւն Յովհաննու

7- Չորս Աւետարաններէն ո՞ր մէկը կը պարունակէ Յովհաննէս Մկրտիչի ծննունդը:

- ա.- Աւետարան ըստ Մատթէոսի
- բ.- Ղուկասու
- գ.- Յովհաննու
- դ.- Մարկոսի

8- Ամբողջացուր Հաւատով Խոստովանիմ աղօթքը:

- ա.- Հոգին Աստուծոյ - - - - -
- ճշմարիտ. որ Իջեր ի - - - - - եւ իր վերնատունն, եւ լուսաւորեցեր զիս - - - - -
- - - - - սուրբ աւագանին.
- մեղայ - - - - - եւ առաջի քո, մաքրեա՛
- զիս վերստին աստուածային հրով քով՝ որպէս
- - - - - լեզուօք սուրբ - - - - -
- .
- եւ ողորմեա՛ քո արարածոց եւ ինձ՝ բազմամեղիս:

9- Աստուած ինչպէ՞ս պատժեց Սողոմ եւ Գոմոր քաղաքներու ժողովուրդը:

- ա.- ջրհեղեղով
- բ.- երկրաշարժով
- գ.- կրակով
- դ.- սովով

10- Ո՞ր գրուած է «Բանն էր ճշմարիտ Լոյսը, որ աշխարհ գալով՝ կը լուսաւորէ ամբողջ մարդկութիւնը»:

- ա.- Մատթէոս 14.5
- բ.- Մարկոս 5.17
- գ.- Յովհաննու 1.9
- դ.- Յովհաննու 9.1

**Ո՞րն է ճիշդ պատասխանը
Երկրորդականի անկիւն**

1- Ս. Բարթողիմէոս Առաքեալ ունի
նաեւ երկրորդ անուն մը: Ի՞նչ է այդ
անունը: «Յովհ. 1.44-51»

-----:

2- «Կաղանդ Պապա»ին ծագումը
մեր ո՞ր սուրբին կը վերագրուի «որուն
տօնը այս տարի կը տօնենք
Դեկտեմբեր 6 ին»:

-----:

3-Աստուածաշունչի Հին Կտակարանի
գիրքերէն ո՞ր երեքը գրուեցան
Սողոմոն Իմաստունին կողմէ:

4-Աստուածաշունչի Հին Կտակարանի
գիրքերէն ո՞ր երկուքին մէջ չենք
հանդիպիր «Աստուած» բառին:

5-Պետրոս կը նշանակէ Վէմ կամ
Ժայռ: Ի՞նչ էր Ս. Պետրոս
Առաքեալին անունը նախքան
Յիսուսի կողմէ իր Պետրոս
անուանումը:

6- Պօղոս Առաքեալ ի՞նչ կը կոչուէր
նախ քան իր քրիստոնէայ մկրտուիլը
եւ Պօղոս կոչուիլը:

7- Պօղոս Առաքեալ ո՞ր երկրին
հպատակութիւնը ունէր:

8- Ս. Յակոբը ո՞ր քաղաքը ծնած է:

9.- Ս. Յակոբը ո՞ր Տիեզերական
ժողովին մասնակցած է: Ո՞ր տարին:

10- Ո՞րն է «Սիրոյ Գլուխ»ը: Ո՞վ
գրած է: Որո՞նց:

Ո՞րն է ճիշդ պատասխանը Ընդհանուրի անկիւն

1- Հետեւեալ բառերէն ո՞ր մէկը ձմրան չի վերաբերիր.-

- ա- Մահիկ
- բ- Չմուշկ
- գ- Մոյկ
- դ- Դահուկ

2- Հետեւեալ մարզանքներէն ո՞ր մէկը մէկ հոգիով կը կիրարկուի.-

- ա- ոտնագնդակ
- բ- ըմբշամարտ
- գ- սուսերամարտ
- դ- ծանրաբարձութիւն

3- Ըստ առածին, երեսին միւտոն չունեցող անձը.-

- ա- տգեղ Կ՛ըլլայ
- բ- անամօթ կ՛ըլլայ
- գ- չոր մորթ կ՛ունենայ
- դ- հաւատացեալ է

4- Բշխունը.-

- ա- նուրբ ծաղիկ մըն է
- բ- ասեղնագործ կտոր մըն է
- գ- իգական անուն է
- դ- հայերէն բառ չէ

5- Ըստ 62(61)-րդ Սաղմոսին, «Միայն Աստուծով հոգիս...».-

- ա- խաղաղութիւն կը գտնէ
- բ- հանգիստ կը գտնէ
- գ- կը հարստանայ
- դ- կը բարձրանայ

6- Եկմալեան անունը կը վերագրենք.-

- ա- Աստուածաշունչի
- բ- հայերէն լեզուի գիտութեան
- գ- պատարագի
- դ- հայաստանի տեսարժան վայրերէն մէկուն

7- «Հաւատով խոստովանիմ»-ին բոլոր գլուխները կը վերջանան այսպէս «Ողորմեա քո արարածոց եւ ինձ՝...».-

- ա- հաւատացեալիս
- բ- աղօթարարիս
- գ- մեղաւորիս
- դ- բազմամեղիս

8- Մատթէոս 13-ի ո՞ր առակին մէջ արդարները չարերէն պիտի զատուին ընտիր եւ վատ ձուկերու պէս.-

- ա- Որոմներու օրինակը
- բ- ձկնորսներուն օրինակը
- գ- ուռկանին օրինակը
- դ- այդպէս առակ չկայ Մատթէոսի մէջ

9- Հայաստանի ազգային օփերայի շէնքը որո՞նք անուան կառուցուած է.-

- ա- Կոմիտասի
- բ- Ալէքսանոս Սպենդիարեանի
- գ- Արամ խաչատուրեանի
- դ- Անուշ օփերայի

10- Ճարտարապետ Ալէքսանոր Թամանեան ծանօթ է.-

- ա- Երեւանի համար մշակած իր յատակագիծերով
- բ- Եկեղեցիներ նորոգելու իր աշխատանքով
- գ- խաչքարերու ստեղծագործութեամբ
- դ- Ալէքսանոր Թամանեան ճարտարապետ չէ

Կարճ Լուրեր Կիրակնօրեայէն

- Ներկայիս Կիրակնօրեայ Դպրոցին արձանագրուած աշակերտներուն թիւն է 81 :
- Կիրակնօրեայ Դպրոցը կը ծրագրէ Սուրբ Ծնունդը տօնել Յունուար 4 ին :
- Կաղանդ Պապան կը ծրագրէ այցելել Կիրակնօրեայ Դպրոց Յունուար 4 ին մեզի հետ տօնելու համար Սուրբ Ծնունդը :
- Սուրբ Յակոբի տօնը տօնն է նաեւ մեր Կայքէջին : Այս տարի www.sourphagop.org-ը 3 տարեկան է :

«Մաշտոցի Արձագանգ»ի Խմբագրական կազմ

Խմբագիր՝

Շաղիկ Պոյաճեան

Աշխատակիցներ՝

Յասմիկ Նաճարեան, Երան Լոշխաճեան, Գարուիկ Գէպթանճեան, Նիկոլ Դանիէլեան եւ Թորոս Պապիկեան :

«Ճաշու աւետարան»ը

Կը գտնուի նաեւ համացանցի (internet) վրայ : Այցելեցէ՛ք www.sourphagop.org, ձախ կողմի կոճակներէն «Ճաշու աւետարան»ը ձեզ կ'ուղղէ դէպի ամսուան իւրաքանչիւր օրուան Ճաշու Աւետարանի հատուածները...

«ՄԱՇՏՈՑԻ ԱՐՁԱԳԱՆԳ»ը

Կը գտնուի նաեւ համացանցի (internet) վրայ : Այցելեցէ՛ք www.sourphagop.org, ձախ կողմի կոճակներէն «Պարբերաթերթ»ը ձեզ կ'ուղղէ դէպի ներկայ եւ նախկին թիւերը...

Սուրբ Յակոբ Հայց. Առաք. Մայր Եկեղեցույ Կիրակնօրեայ դպրոցի կամաւոր խմբակը.- Ուսուցիչներ՝ Իզապէլ Քուլլութեան, Սալբի Բակլաեան, Վերա Կարապետեան, Երան Լոշխաճեան, Գարուիկ Գէպթանճեան, Յասմիկ Նաճարեան, Շողիկ Նաճարեան, Աշխէն Իշխանեան, Յասմիկ Գանաճեան, Տնօրէն՝ Թորոս Պապիկեան, Կայքէջ՝ Բաֆֆի Պապիկեան, Լուսանկարիչ՝ Նիկոլ Դանիէլեան, Պարբերաթերթ՝ Շաղիկ Պոյաճեան :